



Inatsisartuni ilaasortaq
Jens Kristian Therkelsen, Siumut
/Maani

Ummannami taseq imeqarfik sillimmataasoq pillugu § 37 naapertorlugu apeqquteqaammut nr. 170-2022-mut akissut

Asasara Jens Kristian Therkelsen

Inatsisartut Suleriaasianni § 37, imm. 1 naapertorlugu Ummannami taseq imeqarfik sillimmataasoq pillugu Naalakkersuisunut apeqquteqaateqarputit. Apeqquteqaatitit uannit akineqartussanngorlugit innersuunneqarput.

Apeqqu 1.

Ummannami tasersuaq alleq maanna imeqarnikkut pilersuinermit sillimmataasoq mingutsinneqarnikuua?

- a. **Mingutsinneqarnikuuppat, ima annertutigiva imeqarfittut atussallugu naleqqutinngila?**
 - i. **Taamaassappat sillimmatitut inissisimanera atuutiinnassava?**

Akissut:

Akissuteqarnissamut atugassatut Nukissiorfiit paasissutissanik pissarsiniarfigineqarpoq. Ummannami tatsimi imeqarfimmi sillimmataasumi kingullermik 2019-imi misissugassanik tiguisoqarpoq. Taassuma inernerata takutippaa, tatsip NVOC-mik, nalinginnaasumik arrorsinnaalluni tatsimut akuusumik akoqarnera qaffasittoq, kiisalu kulbrintinik, uuliameersunik – aamma benziinanik tunisassianeersunik – akoqarnera qaffasilluni. Annertussusiini *Erngup imernejarsinnaasup pitsaassusia aamma imermik pilersuiviit nakkutigineqarnerat pillugit Namminersorlutik Oqartussat nalunaarutaanni nr. 63-imi, 4. november 2021-meersumi* piumasaqaatit qaangerneqarsimapput.

Allakkap ullua: 01-09-2022
Suliap normua: 2022 - 16979
Allagaatip ilisarnaataa:
21084158

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanaoq.gl
www.naalakkersuisut.gl

Nukissiorfiit ilisimatitsippot, pisariaqalerpat imeq suliarineqarsinnaasoq, taamaalillunilu imerneqarsinnaalissalluni. Taamaattumik taseq suli imeqarfittut sillimmataasutut atorneqarallassaaq.

Inussiarnersumik inuulluaqqusillunga

A handwritten signature in black ink, appearing to read 'Kalistat Lund', written in a cursive style.

Kalistat Lund